



Inatsisartunut ilaasortaq Olga P. Berthelsen, Inuit Ataqtigiit
MAANI

Arctic Green Food A/S pillugu Naalakkersuisunut apeqqummut nr. 116-imut akissut

Arctic Green Food A/S pillugu Naalakkersuisunut apeqqutit Naalakkersuisoqarfimma 1. december 2008 tiguaa. Apeqqut Aalisarnermut, Piniarnermut Nunalerinermullu Naalakkersuisoqarfimmit akisassanngorlugu nassiunneqarpoq.

1. Suna tunngavigalugu Naalakkersuisut Arctic Greanfoodimut ukiumut aningaassaliissutaasartut ukiut tulluuttut sisamat ingerlaneranni ikilisinniarpaat naggataatigullu nungullugit?

Akissut:

Inatsisartuni amerlanerussuteqartut UKA 2008-mi 2009-mut Aningaasanut Inatsit akuersissutigaat, tassani AGF-imut 2009-mut 8 mio.kr. immikkoortinneqarlutik taakkulu AGF-imut 2009-mi sullissinissamat isumaqatigiisummi tunngaviussapput.

Ataani Naalakkersuisunut Inatsisartunullu tunngatillugu AGF-i pillugu suliap ingerlanera allaaserissavara. AIS 2009-mut atatillugu, 2008-mi junip qeqqani akuerineqartoq 2008-milu augustimi avammut saqqummiunneqartoq, Naalakkersuisuniit siunnersuut una siullermeerinnginnermi Inatsisartunut saqqummiunneqarpoq:

AIS 2009	UM 2010	UM 2011	UM 2012
17 mio.	15,5 mio.	14,4 mio.	14,4 mio.

2008-mi oktoberip qiteqqunnerani Naalakkersuisut aalajangiipput tamanut tunngasunik annertunerusunik sipaarniarqoqassaq, nunarsuarmi aningaasaqarnermi ajornartorsiorneq innersuussutigalugu aammalu AIS 2009-mi amigartoorutissatut missingersuutit annikilisinniarlugit. Tamanna AGF-imuinnaq tunnganngilaq, kisiannili immikkoortut arlallit sipaarniarfigineqarlutik.

Ukiumut missingersersuiffiusumut AGF-imut aningaasaliissutit appartinnissaannik aalajangerneq aamma pivoq 2008-mut kiffartuussinissamat isumaqatigiisummut atatillugu kiisalu AIS 2009-p suliarineranut atatillugu Aningaasaqarnermut Ataatsimiititaliamit oqaseqaatit tiguneqartut innersuussutigalugit, naggasiullugulu AIS 2009-p siullermeerneqarneranut atatillugu Aningaasaqarnermut Ataatsimiititaliap apeqquteqaatanik.

Jnr. 01.28/2008
2008-116
8. december 2008
Postboks 269
3900 Nuuk
Oq/tel +299 34 50 00
Fax +299 32 47 04
aapip@gh.gl
www.nanoq.gl

Oktoberip qiteqqunnerani Naalakkersuisut isumaqatigiittut ilaatigut AGF-imut atatillugu uku appaataassasut:

AIS 2009	UM 2010	UM 2011	UM 2012
- 5	- 7,5	- 10,4	- 14,4

16. oktober Naalakkersuisut aalajangereernerisa kingorna:

AIS 2009	UM 2010	UM 2011	UM 2012
12	8	4	0

AIS 2009-p aappaassaaneereerneratigut Aningaasaqarnermut Ataatsimiititaliap inaarutaasumik aningaasaliissutinut sinaakkusiussaa imaappoq:

AIS 2009	UM 2010	UM 2011	BO 2012
8	3	1	0

Ukiumut missingersersuiffiusumut AGF-imut aningaasaliissutit appartinnissaannik aalajangerneq aamma pivoq 2008-mut kiffartuussinissamut isumaqatigiisummut atatillugu kiisalu AIS 2009-p suliarineranut atatillugu Aningaasaqarnermut Ataatsimiititaliamit oqaseqaatit tiguneqartut innersuussutigalugit, naggasiullugulu AIS 2009-p siullermeerneqarneranut atatillugu Aningaasaqarnermut Ataatsimiititaliap apeqquteqaatanik. Taakku uani itisilissanngilakka, kisiannili UKA 2008-mi apeqqutit, akissutit isumaliutissiissutillu innersuussutigissallugit.

Ajornartorsiutip qiteraa Naalakkersuisut aamma Aningaasaqarnermut Ataatsimiititaliaq naliliimmata AGF-ip nalunaaruteqartarnera maliillugu tunisassiorfiit ilaanni pisoqarpallaartannginera, taassuma ataani sullissinissamut isumaqatigiisummi aalajangersakkanut atatillugu tunisassiassat tunineqartut ikippallaarneri. Tamanna imatut isumaqarpoq aningaasaliissuteqarnermi tunngaviit tamakkiisumik ilaannakortumilluunniit eqqortinneqanngitsut. Taassuma saniatigut AGF-ip nalunaarusiortussaataitanini eqqortinnikuunngilaa, tamassumalu 2008-mi malinnaanissaq ajornakusoortinnikuuaa.

2009-mut AGF-imut isumaqatigiisut qanoq isikkoqassanersoq kingusinnerusukkut paasinarsissaaq, tassa AGF-imut aallaqqaasiullugu isumaqatigiinniarnert sapaatit akunnerisa 50-ianni aallartinneqarmat aatsaallu 2009-mi januarip naanerani naammassineqartussat inaarneqassallutik.

Naliliinermi aamma ilaatinneqassaaq sumiiffinni assigiinngitsuni inuussutissarsiornermi suut allat periarfissaanersut, aammalu pilersuisut naammannersut, tassa sumiiffinni aalisartut piniartullu angallataat ukioq tamakkerlugu suliffissaqartitsinisamut tunisassiassanik naammattunik pilersuisinnaanersut.

Missingersuutinut ilanngussami ilaatigut imatut allaqqavoq:

"Arctic Green Food A/S-imi tunisassiorfiit sinneruttut ingerlannerini pisariillisaasoqarnissaa ilimagineqarpoq, tunisassiorfiit ingerlatseqatigiiffimmut tunineqarnerisut Arctic Green Food A/S-imiiginnarnersulluunniit apeqqutaatinnagit,

taamaalilluni tapiissutit piffissap ingerlanerani unitsikkiartuaarneqarniassammata. Aammattaaq tunisassiornerup allanngortinneqarnissaanik il.il. kinguneqarnissaa naatsorsuutigineqarsinnaavoq.”

2009-mut aningaasat atorneqarsinnaasut aallaavigalugit Naalackersuisoqarfiup aamma AGF-ip oqaloqatigiissutigissavaat pisariillisaanerit pitsanngorsaanerillu, taassuma ataani tunisassiornernik allannguinerit, 2009-mut atatillugu ingerlanneqassanersut.

Maannakkut siusippallaarpoq ukiut 2009-p kingorni pillugit aalajangersimasumik oqaaseqaateqartoqarnissaanut. Naggasiullugu AI 2007 innersuussutigissavara, tassani pisortaqaarfiup taamanikkut suliamik ingerlatsisup aamma AGF-ip sullissinissamut isumaqatigiissuteqartoqarnikuulluni, taamaalilluni nammineq pigisat pitsanngorsarnissaannut aningaasat 10 mio.kr. immikkut aningaasaliissutaallutik, taakkulu ingerlatseqatigiiffiup ingerlataanit allanit immikkoortinneqartussaallutik. Taamanikkut piumasaqaataavoq ingerlatseqatigiiffiup ingerlatai imatut aaqqissuunneqassasut ingerlatsineq nalinginnaasoq ingerlatseqatigiiffiup aningaasatigut patajaassusianut immikkut pitsanngorsaataassalluni. Ajorluartumik taamaalisoqanngilaq, tamannalu aamma AGF-ip 2007-imut naatsorsuutaani takuneqarsinnaavoq.

Taamanikkut ilimagineqarpoq tunisassiornernik allannguinerit annikillisaanerillu kingunerinik sullissinermik ajortitseriartoqassasoq, tamannalumi aningaasaliissutit annikillisinernerik soorunami kinguneqarpoq. AGF A/S-ip aamma KNI A/S-ip allaffissornikkut ataatsimoortitsilernerat aamma sulisoqarneq atortullu tamaasa ataatsikkut isigalugit atorluaanermik nunaqarfinnilu sullissinerup pitsanngoriarneranik kinguneqanngilaq. AGF-ip aamma KNI-p akornanni piginnittuunermi pissutsit 2007-imi aamma allanngorput.

Kalaallit Nunaat siunissami namminiissappat aningaasat atugassanngortinneqartut ingerlatanut aningaasatigut immiut nappassinnaasunut atorneqartariaqarput. Tamanna appaanissamut tunisassiorfinnullu qulingiluanut sullissinermi isumaqatigiissutip atorunnaarsikkiaartuarnissaanik Naalackersuisut siunnersuutaannut tunngaviuvoq, tassa ingerlatseqatigiiffik ajorluartumik patajaallisaanissamik pitsanngorsaanissamillu qulakkeerinnititsisunik pitsaasunik angusaqarnikuunngimmat.

2. Nunaqarfinni tunisassiorneq ingerlaannaqqullugu Naalackersuisut qanoq pilersaaruteqarpat iliuuseqarniarpallu?

Akissut:

Naalackersuisut AI 2009 aqqutigalugu nalunaaruteqarput AGF-imut sullissinissamik isumaqatigiissut 2012-imi atorunnaarsinneqavissasoq, taamaammallu pisortat ataanni nunaqarfinni tunisassiorneqarnissamut periarfissat ingerlaannarnissaat qulakkeerniarlugu pilersaarutivinnik peqanngilaq, aamma naak Greenland Venture A/S aqqutigalugu AGF-imik piginneqataagalualuta.

1997-imiilli NuKa A/S pilersinneqarmat Namminersornerullutik Oqartussat nunaqarfinni avinngarusimanagerusunilu tunisassiorfiit aqqissuussaananat nalimmassarniarlugu suliniuteqarnikuupput. Tamanna pivoq tunisassiorfinnik tunisinikkut imaluunniit aktieselskabingortitsinikkut, tunisassiornerup pisortaniit tapiissuteqartoqarpallaarani ingerlanneqarnissaa siunertarlugu. Taamaalilluni Naalackersuisut politikkeraat nunaqarfinni tunisassiorneq namminersortunit 2012-imiit ingerlanneqassasoq.

3. Sullissinissamut Isumaqatigiisummi aningaasat piniartunut aalisartunullu toqqaannartumik tuttartut qanoq annertutigaat?

Akissut:

Siulersuisunut siulittaasup paasissutissiissutai malillugit 2008-mi AGF-ip tunisassiorfiinut 8,5 mio.kr.-inik nalillit tunineqarput, aningaasallu taakku taamaalillutik piniartunut aalisartunullu toqqaannartumik tupput.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalackersuisoq